



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მერცხალა სოკო

მერცხალა სოკო, გველის სოკო (*Coprinus comatus*). ქუდიანი სოკო კოპრინუსისებრთა ოჯახისა. მ. ს-ს თეთრ ქუდის ცილინდრული ფორმა აქვს, ბოლო კი რამდენადმე გაშლილია (სიგრძე 4-10 სმ, სიგანე 3-6 სმ), ზედაპირი დაფარულია ქერცლით. ფირფიტები თავდაპირველად თეთრია, შემდეგ — ვარდისფერი, მომწიფებისას — შავი. ფეხი თეთრია, ძირში გამსხვილებული, აქვს მოძრავი საყელო. მომწიფებისას ქუდი ფირფიტებთან ერთად ლღვება — იშლება შავ სითხედ (ძველად მას მელნად ხმარობდნენ). საკვებად გამოიყენება ნორჩი. მ. ს. იზრდება მთელი წლის განმავლობაში ბაღებში, ბოსტნებში, დანაგვიანებულ და ნაკელიან ადგილებზე.

ი. ნახუცრიშვილი
